



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
30.01.2013
Dykkar dato

Vår referanse
2013/1133 433.2
Dykkar referanse

Gjermund Dale
Bjørnestadvegen 169
5918 FREKHAUG

Løyve til utsetting av utanlandske treslag til juletreproduksjon

Gjermund Dale får på bestemte vilkår løyve til å plante utanlandske treslag i samband med juletreproduksjon på gnr. 21 bnr. 1 i Meland kommune.

Vi viser til søknaden som vi mottok 21. januar 2013 om utsetting av 800 nordmannsedelgran, 100 fjelledelgran og 200 fraseredelgran kvart år dei neste 15 åra til juletreproduksjon på gnr. 21 bnr. 1 i Meland kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er totalt søkt om utsetting av 12000 nordmannsedelgran, 1500 fjelledelgran og 3000 fraseredelgran dei neste 15 åra. I publikasjonen *Fremmede arter – med norsk svarteliste 2012* (Gederaas mfl. 2012) er to av desse treslaga omtalt, medan eitt ikkje er med:

Norsk namn	Vitskapeleg namn	Vurdering
nordmannsedelgran	<i>Abies nordmanniana</i>	vil ikkje reprodusere i norsk natur dei neste 50 år (Gederaas mfl. 2012, vedlegg 3, s 189)
fjelledelgran	<i>Abies lasiocarpa</i>	lav risiko (LO), ikkje på svartelista
fraseredelgran	<i>Abies fraseri</i>	ikkje nemnt i publikasjonen

Utsettingsområda

Utsettingane er planlagd på tre ulike teigar tilhøyrande gnr. 21 bnr. 1 i Meland kommune, merkt A, B og C i kartvedlegget til søknaden. På desse skal det plantast nordmannsedelgran på 1,5 daa, fjelledelgran på 0,2 daa og fraseredelgran på 0,45 daa. Alle dei tre utsettingsområda er eksisterande juletrefelt på innmark, og dei planlagde utsettingane vil berre i liten grad legge beslag på nye areal. På teig A er det teikna inn ei lita utviding på om lag 1 dekar mot nordvest utover området som er tilplanta i dag.

Det er i Naturbase ikkje registrert særskilt viktige eller sårbare naturtypar (A- og B-område eller utvalde naturtypar) på dei aktuelle utsettingsområda eller tilgrensande eigedomar. Det er

heller ikkje Miljøregisteringar i skog eller registrerte raudlista artar av betydning for handsaming av søknaden.

Tiltak mot spreiding og internkontroll

Det er opplyst i søknaden at dei utplanta trea skal haustast når dei oppnår tilstrekkeleg høgd og kvalitet. Dette skal skje etter 8-10 år for nordmannsedelgran og fjelledelgran, og etter 6-7 år for fraseredelgran. For dei to førstnemnde skal alle tre hoggast ved 15 års alder, og for sistnemnte skal ingen tre verte eldre enn 10 år. Vidare skriv søkjar at ved eventuelt eigarskifte skal ny grunneigar informerast om dette, og om eventuelle vilkår til løyvet om utsetting av utanlandske treslag.

Vurdering etter naturmangfaldlova kapittel II

Ut frå det vi finn av informasjon i Naturbase og Artskart er det ikkje grunn til å anta at særskilt sårbare eller verdfulle artar og naturtypar vil bli negativt påverka av tiltaket. Nordmannsedelgran og fjelledelgran står ikkje på svartelista, men fraseredelgran er ikkje omtalt av Gederaas mfl. (2012). Dette betyr lite for saka all den tid trea skal hoggast før dei set frø og spreidingsfaren er minimal. Vår vurdering er at saka er godt nok opplyst til å fatte eit vedtak, jamfør kravet til kunnskapsgrunnlaget og føre-var-prinsippet i naturmangfaldlova §§ 8 og 9.

Den omsøkte utsettinga skal skje på tre område på innmark som allereie er eksisterande plantefelt for juletre. Det er planlagt ei lita utviding av plantasjen i det nordvestre hjørnet av teig A, men dette vil i følgje det vi ser ut frå søk i databasar ikkje gå utover særskilt sårbar natur. Vår vurdering etter § 10 i naturmangfaldlova, om økosystemtilnærming og samla belastning, er at utplantinga i liten grad vil auke påverknaden på stadeige naturmangfald utover det som er tilfelle i dag.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Gjermund Dale får løyve til å plante ut 8000 nordmannsedelgran, 1000 fjelledelgran og 2000 fraseredelgran på dei omsøkte områda over ti år på følgjande vilkår:

- løyvet gjeld frå og med 2013 og ut 2022
- alle treslag må hoggast innan 15 år frå planting
- alle treslag må hoggast før dei set frø
- rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn
- dette dokumentet må gjerast kjend og overført til ny grunneigar ved eventuelt eigarskifte
- dersom juletreproduksjon på eigedomen vert avvikla må trea hoggast

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf forvaltningslova § 32.

Vedtak

Med helsing

Kjell Kvingedal e.f.
seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.

Referanse

Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

Kopimottakarar

Direktoratet for naturforvaltning
Meland kommune

SABIMA og WWF har bede om innsyn i vedtak om utsetting av utanlandske treslag og får kopi av brevet.